

SESIÓN ORDINARIA DE 24 DE ABRIL DE 2.009

Na Casa Consistorial de Outeiro de Rei, sendo as trece horas e quince minutos do día vinte catro de abril de dous mil nove, baixo a Presidencia do Sr. Alcalde, D. José Pardo Lombao, e asistencia do Secretario Titular, D. José María Vázquez Pita, reuníronse os Srs. Concelleiros D. José Yebra Amorín, D. Luís Varela Pérez, D^a Pilar Méndez Lombao, D. Serafín Vázquez Arias, D^a Sandra Abeledo Sánchez, D. Miguel Ángel López Varela, D^a Vitoria Fernández Vigo, D. José Manuel Carral Méndez, D. Arcadio Lombao Román e D^a Dulce María Neira Fraga, co obxecto de celebrar a presente sesión ordinaria.

Aberto o acto pola Presidencia, pasouse ao exame dos asuntos comprendidos na orde do día, adoptándose os seguintes acordos:

1.- APROBACIÓN DO ACTA DA SESIÓN PLENARIA EXTRAORDINARIA CELEBRADA O DÍA 27 DE ABRIL DE 2009.

Ponse de manifesto ós membros da Corporación o acta da sesión plenaria extraordinaria celebrada o día 2 de febreiro de 2009, cuxa copia se remitiu aos Concelleiros adxunta a notificación da convocatoria da presente sesión.

Sométese a votación a aprobación da citada acta. Realizada a votación, queda aprobada pola unanimidade dos membros da corporación.

2.- APROBACIÓN INICIAL DA ORDENANZA FISCAL REGULADORA DA TAXA POR PRESTACIÓN DO SERVIZO DE ESCOLA INFANTIL DO CONCELLO DE OUTEIRO DE REI.

Ponse de manifesto aos srs. Concelleiros o seguinte proxecto de ordenanza fiscal municipal, cuxa copia se adxuntou a convocatoria da presente sesión:

“ORDENANZA FISCAL REGULADORA DA TAXA POLA PRESTACIÓN DO SERVIZO DE ESCOLA INFANTIL NO CONCELLO DE OUTEIRO DE REI.

Proposta para sometemento á aprobación inicial polo Pleno do Concello.

ARTIGO 1: MARCO XURÍDICO.

En uso das facultades concedidas polos artigos 133 e 142 da Constitución, artigos 4.1 a) e 106 da Lei 7/1985, de 2 de abril, de Bases do Réxime Local, modificada entre outras pola Lei 11/1999, de 21 de abril e pola Lei 57/2003, de 16 de decembro, de Medidas para a Modernización do Goberno Local, e de conformidade co disposto nos artigos 15 a 19 da Lei Reguladora das Facendas Locais –Texto Refundido aprobado por Real Decreto Lexislativo 2/2004, de 5 de marzo este Concello e s t a b l e c e a t a x a pola prestación do

servizo público descrito na presente Ordenanza Fiscal, consoante ao disposto nos artigos 20 e seguintes da citada lei reguladora das Facendas Locais.

ARTIGO 2: FEITO IMPOÑIBLE.

Constitúe o feito impoñible da taxa a prestación do servizo público de Escola Infantil Municipal situada na urbanización Santa Isabel.

ARTIGO 3: SUXEITO PASIVO:

1.º Son suxeitos pasivos con carácter xenérico da taxa as persoas físicas e xurídicas así como as entidades mencionadas no artigo 35 da Lei 58/2003, de 17 de decembro, Xeral Tributaria, que soliciten ou resulten beneficiadas ou afectadas pola prestación dos distintos servizos ou actividades que o Concello de Outeiro de Rei leve a cabo nas instalacións da mencionada Escola Infantil.

2.º En concreto, son suxeitos pasivos obrigados os pais dos nenos en situación de alta na Escola Infantil e, no seu defecto os familiares ou titores legais a quen corresponda o exercicio da patria potestade.

ARTIGO 4: DEVENGO.

1.º A taxa devéngase dende o momento en que se inicie a prestación do servizo ou a realización da actividade, aínda que o concello poderá esixir o depósito previo do seu importe total ou parcial.

2.º O devengo da taxa será periódico. A súa periodicidade será mensual e se producirá o primeiro día de cada mes.

ARTIGO 5: PAGAMENTO

1. O pagamento das cotas realizarase mensualmente nos dez primeiros días do mes a que correspondan. Nos casos en que o ingreso no centro se produza con posterioridade ó día primeiro do mes, a cota correspondente ó dito mes ingresarase nos dez días seguintes ó da data de ingreso.

2. No caso de utilización do servizo de comedor por días soltos, realizarase o pagamento deste servizo xunto coa cota do mes seguinte.

3. Salvo o disposto no artigo 7º desta ordenanza, a falta de asistencia do neno/a ó centro non supón redución nin exención da cota mentres non se formalice a baixa correspondente.

4. A falta de pagamento de dúas mensualidades consecutivas ou tres alternas orixinará a perda do dereito á praza.

ARTIGO 6: BASE DE CÁLCULO

1. Para os efectos do disposto neste decreto, enténdese por renda per cápita mensual o resultado de dividir polo número de persoas que compoñen a unidade familiar o cociente resultante de dividir por doce a suma dos ingresos totais da unidade familiar.

Enténdese por unidade familiar, para os efectos deste decreto, a formada polos pais e fillos menores de dezoito anos ou fillos maiores de dezoito anos, cunha minusvalidez superior ó 33 por cento. No caso de familias monoparentais, e para efectos do cálculo da renda per cápita ó que se refire o parágrafo anterior, incrementarase nun 0,8 o número real de membros que compoñen a unidade familiar.

2. Para os efectos deste decreto, ten a consideración de ingresos a suma da parte xeral máis a parte especial da base imponible, previas á aplicación do mínimo persoal e familiar do imposto sobre a renda das persoas físicas. Para as persoas non obrigadas a declarar, as bases impositivas a que se fai referencia obteranse como resultado de lles aplicar ós datos existentes na Administración os criterios da lexislación do imposto sobre a renda das persoas físicas.

ARTIGO 7: SUSPENSIÓN TEMPORAL DA CUOTA

Os suxeitos obrigados ao pago da cuota non terán a obriga de aboa-la cota durante os seguintes períodos:

1. O mes de vacacións anuais do neno/a.

2. Cando, por calquera motivo distinto ó período de vacacións anuais, o centro permaneza pechado un período superior a quince días.

3. Cando, por causa debidamente xustificada, o neno/a deixe de asistir temporalmente ó centro. Neste caso, o suxeito obrigado estará exento de aboa-la cota mensual desde o primeiro día do segundo mes natural seguinte ó da data de ausencia ó centro. A suspensión da cota durará ata o día primeiro do mes natural en que teña lugar a reincorporación do neno/a ó centro. Non obstante, se a reincorporación se produce con posterioridade ó día 15 do mes, a cota correspondente ó dito mes reducirase nun 50 por cento.

A solicitude de suspensión de cota deberá presentarse ante ao sr. Alcalde, que resolverá sobre a procedencia da suspensión.

Nos casos de suspensión temporal da cota, o pagamento correspondente ao mes de reincorporación realizarase no prazo de dez días seguintes ó da data de reincorporación. Así mesmo, nos casos en que o delegado/a provincial acorde a non procedencia da suspensión solicitada, o suxeito obrigado deberá ingresa-las cotas atrasadas no prazo de dez días seguintes ó da notificación da resolución denegatoria.

ARTIGO 8: COTA TRIBUTARIA.

As cotas tributarias terán carácter periódico ou esporádico, Segundo o tipo de servizo que se solicite, e consistirá na cantidade resultante da aplicación das tarifas que figuran no Anexo, coas reducións e descontos dos que poida ser beneficiario o suxeito pasivo de concorrer os requisitos necesarios.

ARTIGO 9: NORMAS DE XESTIÓN.

1º. O pagamento da taxa efectuarase en réxime de autoliquidación cando se solicite novo ingreso por parte dos beneficiarios do servizo, sendo requisito indispensable para a prestación do mesmo.

2º. O pagamento das cotas realizarase mensualmente nos dez primeiros días do mes a que correspondan. Nos casos en que o ingreso no centro se produza con posterioridade ao día primeiro do mes, a cota correspondente ao mencionado mes ingresarase nos dez días seguintes ao da data de ingreso.

3º. No suposto de utilizarse o servizo de comedor por días soltos, poderá establecerse que o pagamento deste servizo se faga conxuntamente coa cota do mes seguinte.

4º. A falta de pagamento de dúas mensualidades consecutivas ou tres alternas orixinará a perda do dereito a praza.

5º. Todo o anterior sen prexuízo da posibilidade de que, mediante contrato administrativo, se poida encomendar a xestión e recadación voluntaria da taxa a entidade prestadora do servizo.

ARTIGO 10: INFRACCIÓNS E SANCIÓN.

En todo o relativo a infraccións tributarias e a súas distintas cualificacións, xunto coas sancións que as mesmas poidan conlevar, aplicarase o disposto na vixente Lei Xeral Tributaria e regulamentación complementaria.

DISPOSICIÓN DERRADEIRA.

A presente Ordenanza, de acordo co previsto no artigo 107 da Lei 7/1985 e no art. 17 do RDLex.2/2004, comezará a aplicarse a partir do momento da súa publicación definitiva no Boletín Oficial da Provincia de Lugo, continuando en vigor ata que se acorde a súa derogación ou modificación.

ANEXO

Prezo por asitencia

O prezo pola asistencia ao centro fíxase en 110 euros mensuais

Segundo a renda per cápita mensual da unidade familiar, sobre este prezo aplicaranse as seguintes reducións totais ou parciais:

- Inferiores ó 50 por cento do salario mínimo interprofesional, redución do 100 por cento: 0 euros.

- Entre o 50 e o 75 por cento do salario mínimo interprofesional, redución do 70 por cento: 33 euros.

- Superiores ó 75 por cento e inferiores ó 100 por cento do salario mínimo interprofesional, redución do 40 por cento: 66 euros.

- Entre o 100 e o 150 por cento do salario mínimo interprofesional, redución do 10 por cento: 99 euros.

Prezo por servizos complementarios.

Nos centros que presten outros servizos, os prezos ós que fai referencia o punto 1 incrementaranse segundo os servizos dos que o neno/a sexa usuario:

- Servizo de comedor: o prezo por este servizo fíxase en 33 euros mensuais. No caso de nenos/as que non utilicen habitualmente o servizo de comedor e que excepcionalmente, e por motivos xustificados, desexen utiliza-lo servizo algún día solto, o prezo será de 2 euros por día.

- Horario ampliado: o prezo mensual de cada hora en que se incremente o horario normal será de 13,75 euros/hora.

Segundo a renda per cápita mensual da unidade familiar, sobre os prezos dos servizos anteriores aplicaranse reducións totais ou parciais:

- Inferiores ó 30 por cento do salario mínimo interprofesional, redución do 100 por cento.

- Entre o 30 e o 100 por cento do salario mínimo interprofesional, redución do 50 por cento.

Os servizos ós que fai referencia este punto 2 serán de utilización voluntaria polos nenos/as asistentes ó centro.

Descontos.

Segundo as circunstancias da unidade familiar, sobre o prezo que resulte de aplica-lo disposto nos puntos 1 e 2 anteriores aplicaranse os seguintes descontos:

- Nenos/as pertencentes a familias numerosas, desconto dun 20 por cento.

- Nenos/as pertencentes a familias monoparentais, desconto dun 20 por cento.

- Cando asistan ao mesmo centro varios irmáns, desconto dun 20 por cento por cada neno/a atendido/a. No caso de que estes irmáns nacesen en parto múltiple, o desconto será dun 30 por cento por cada neno/a.

Os descontos anteriores, cando se dean nunha mesma persoa, serán acumulables.

-Cando por circunstancias sobrevidas (solicitudede fóra de prazo, traslado de residencia, etc.), o/a neno/a ingrese no centro con posterioridade ó día 15 do mes, a cota que corresponda pagar polo dito mes terá un desconto do 50 por cento.

A presentación de solicitudes de ingreso no centro requirirán para prestación efectiva do servizo que se teña efectuado –en todo caso- o pagamento correspondente da taxa polo interesado.

Rematada a exposición da proposta, o sr. Alcalde xustifica a mesma no feito de dispor da totalidade dos trámites e requisitos para a posta en marcha da escola infantil. No tocante ao seu contido, alega que se cumpre a normativa autonómica se se pretende dar un servizo de calidade a prezos moi adsequibles, xa que a taxa máxima é de 110 euros e ésta ser reduce en función da renda da unidade familiar ata chegar aos 0 euros.

Don Arcadio Lombao Román, voceiro do Grupo Municipal do BNG, anuncia a súa oposición a aprobación da ordenanza por coherencia coa oposición do seu grupo municipal respecto do sistema de xestión elixido para a prestación do servizo, e do que esta ordenanza non é senón unha consecuencia.

O sr. Miguel Algel López Valera, voceiro do Grupo Municipal do PSdG-PSOE, sinala que a taxa debería ser máis baixa, coa finalidade de facilitar o acceso ao servizo.

Restóstalle o sr. Alcalde que a todo o mundo lle gustaría prestar servizos máis baratos, pero que á administración e aos servizos hai que financiarlos, e por iso é imprescindible cobrar esta taxa.

Engade que esta necesidade de financiar os servizos se agrava pola situación de insuficiencia financeira dos concellos, especialmente os concellos galegos, e pola falla de compromiso da Comunidade Autónoma na obtención dunha verdadeira autonomía financeira municipal.

Rematado o debate, sométese a votación a seguinte proposta de resolución:

“Aprobar inicialmente a ordenanza fiscal reguladora da taxa pola prestación do servizo de escola infantil polo concello de Outeiro de Rei.”

Efectuada a votación, a proposta resulta aprobada con seis votos a favor pertencentes aos concelleiros do Grupo Municipal do Partido Popular, tres abstencións pertencentes aos concelleiros do Grupo Municipal do PSdG-PSOE, e dous votos en contra pertencentes aos concelleiros do Grupo Municipal do BNG.

3.- MODIFICACIÓN DO INVENTARIO MUNICIPAL DE BENS E DEREITOS.

Ponse de manifesto aos srs. Concelleiros a seguinte proposta de inclusión no inventario municipal de bens e dereitos:

“INVENTARIO MUNICIPAL DE BENS INMOBLES

VIAL Nº 36

SAN MAMEDE, BONXE

NOME:

Cruce de camiños: parcelas 10 do polígono 94

NATUREZA DO INMOBLE:

Uso público

Prescrición: dominio público viario

SITUACIÓN:

Parroquia: BONXE

Núcleo/lugar: BARNA, SAN MAMEDE

Lindeiros: Camiño público en tódolas súas lindes.

CARACTERÍSTICAS: 291 metros cadrados. Sen pavimentar.

TÍTULO DE ADQUISICIÓN: Prescrición inmemorial.”

Trala dación de conta efectuada polo sr. Secretario, o sr. Alcalde aclara que este acordo se enmarca no proceso de paulatina actualización do inventario municipal de bens e dereitos do Concello de Outeiro de Rei.

O sr. Arcadio, voceiro do Grupo Municipal do BNG, pregunta sobor a titularidade dominical da parcela.

O Alcalde resposta que é dominio público municipal.

O sr. Arcadio pregunta se se preguntou aos veciños de Bonxe antes de traer ao Pleno esta proposta de inclusión no inventario.

O sr. Alcalde resposta que se non todos, moitos dos veciños de Bonxe coñecen a posición municipal. Engade que esta parcela sempre foi parte da estrada, e que se está calificada como monte comunal débese a o feito de no seu tempo puido ter a calificación de comunal, e polo tanto de titularidade municipal, o feito de que se mudase o seu destino non enerva a obriga do concello de conservarlal.

Outra cousa sucede cos terreos antaño comunais que foron utilizados de xeito privativo polos veciños baixo a permisibilidade do concello do seu uso e posterior prescripción privativa. Non se pode esquecer que fai uns anos, o Concello tiña centos de hectáreas de monte comunal e que o concello, nun momento dado, permitiu o seu paso a titularidade privada dos veciños que as traballaban.

Este non é o caso, trátase dunha parcela de cruce de camiños de 291 m²., que realmente está destinada a camiño, con independencia de que catastralmente se lle asigne erróneamente outro uso ou titularidade.

Recorda que no caso de outras parcelas que, aínda sendo municipais, sean susceptibles de outros usos, o seu inventario faise previo escrito asinado polos veciños, como xa se fixo anteriormente. Quere facer constar que, aínda nos supostos de peticións por escrito dos veciños, o Grupo Municipal do BNG abstense ou abandona o Pleno.

Contesta o sr. Arcadio que a razón da abstención foi o cumprimento da obriga legal de absterse, xa que a parcela era da titularidade do pai do concelleiro do BNG.

O sr. Pardo Lombao dí que nun caso sí, pero noutro suposto no que se abstiveron non tiñan titularidade ningunha, nin o concelleiro nin a súa familia.

Pregunta o sr. Varela sobor a titularidade catastral da parcela.

Trala súa lectura, o sr. Pardo Lombao insiste en que dita porción de terreo realmente é e foi viario municipal, que na última pavimentación dos camiños se decidiu deixar esa porción triangular sen asfaltar, tal e como se fixo nas rotondas da estrada autonómica LU-115, e sen embargo ninguén razoable se pon a defender a titularidade comunal das rotondas da estrada autonómica.

Rematado o debate, sométese a votación a proposta de inclusión no inventario municipal de bens e dereitos.

Efectuada a votación, a proposta resulta aprobada con seis votos a favor pertencentes aos concelleiros do Grupo Municipal do Partido Popular, e cinco abstencións pertencentes aos concelleiros do Grupo Municipal do PSdG-PSOE e do Grupo Municipal do BNG.

4.- MOCIÓN DO PSDG-PSOE, CON NÚMERO DE REXISTRO DE ENTRADA 967.

Ponse de manifesto aos srs. Concelleiros a Moción presentada polo Grupo Municipal do PSdG-PSOE, con data de rexistro de entrada de 2 de abril de 2009 número 967, do seguinte teor literal:

“O concelleiro/a na súa condición de Voceiro do Grupo Municipal Socialista no Concello de Outeiro de Re, compadece e como mellor en Dereito proceda DI :

O abeiro do disposto nos artigos 97 da Lei 5/1997, do 22 de xullo, Lei de Administración Local De Galicia, 91,4 e 97 do Real Decreto 2568/1986, do 28 de novembro, polo que se aproba o Regulamento de Organización, funcionamento e réximen xurídico das Entidades Locais, e 46.2 da Lei 11/1999, do 20 de abril, Lei de modificación da Lei Reguladora de Bases do Réxime Local e outras medidas presenta a consideración do Pleno da Corporación Municipal a seguinte:

MOCIÓN

EXPOSICIÓN DE MOTIVOS:

Debido ao recente falecemento de D. Jesús Redondo Candal, Ex-Alcalde de este Concello e primeiro Alcalde da democracia neste Concello.

Propónse o Pleno desta Corporación a adopción do seguinte

ACORDO :

Que na súa lembranza, lle sexa adicada unha Rúa neste Concello.

En Outeiro de Rei a 02 de Abril do 2009-06-01

*Asdo.: Miguel Angel López Varela
Voceiro do PsdeG-PSOE”*

Afonda na súa defensa don Miguel Angel López Varela, recordando o feito de que se tratou do primeiro Alcalde da democracia, e que participou de xeito activo con varias asociacións municipais na búsqueda dos intereses dos veciños. Estes vinte anos de adicación ao seu pobo o fan merecedor deste tributo na súa memoria.

O sr. Arcadio lembra a súa labor coma párroco de Bonxe e da Prisión, coma promotor de varias asociacións coa xuventude e incluso na creación da primeira liga de fútbol da Terra Chá. Cree que foi o autor do impulso a nivel social máis amplo dos últimos anos.

O sr. Pardo Lombao comparte en maior ou menor medida as apreciacións que expuñeron os concelleiros do PSdG e BNG.

Destaca o feito de que foi o primeiro Alcalde da democracia, e que na súa opinión o sólo feito de ser Alcalde xa é unha circunstancia suficiente para merecer que se lle adique unha rúa ao seu nome. Se a isto se lle engade todo o que xa recordaron os outros membros da corporación, non se ve inconvincente para aprobar a moción.

Rematado o debate, sométese a votación a aprobación da moción presentada.

Efectuada a votación, a moción resulta aprobada pola unanimidade dos membros presentes.

5.- ROGOS E PREGUNTAS.

Ponse de manifesto aos srs. Concelleiros o escrito de PREGUNTAS presentado polo Grupo Municipal do PSdG-PSOE, con data de rexistro de entrada de 24 de abril de 2009 número 1272, do seguinte teor literal:

“O Concellal, abaixo firmante, Portavoz do GRUPO MUNICIPAL SOCIALISTA, ó amparo da lexislación vixente en materia de Réxime Local, presenta este escrito o Pleno do Concello de Outeiro de Rei, como PREGUNTAS o Equipo de Goberno:

1.- ¿Pode explicar o Sr. Alcalde, si o Concello ten algún vixilante de obras? ¿Que funcións ten esa persoa?-

2.- ¿Pode explicar quen se encarga no Concello de Outeiro de Rei de Vixiar as Obras e Actividades sen Licencia ou que non se axusten a Licencia concedida?-

En Outeiro de Rei a 21 de abril de 2009

Asdo: Miguel Angel López Varela”

Trala lectura en viva voz polo Secretario, o Alcalde resposta o seguinte:

- Existe a plaza de vixilante municipal que, entre outras cousas, se encarga de vixilar as obras municipais. Tamén se encarga de vixilar o correcto funcionamento dos servizos e, ata o momento, cubre axeitadamente ditas funcións.

- No que respecta a segunda das preguntas, as licencias de actividades e obras maiores requiren licenza de primeira utilización ou de primeira ocupación. Cando a solicitan, se cumpren os requisitos das licencias se lle outorgan e se non, se inicia o correspondiente expediente para que se adecúen a legalidade.

E non habendo máis asuntos a tratar, levántase a sesión, sendo as catorce horas.

O Secretario

VºBº, O Alcalde

Asdo.: José María Vázquez Pita. Asdo.: José Pardo Lombao